

## II

Ovo rješenje stupa na snagu danom donošenja i objavit će se u "Službenim novinama Kantona Sarajevo".

Broj 02-04-32766-21/21  
02. septembra 2021. godine  
Sarajevo

Po ovlaštenju premijera  
Ministar  
**Davor Čičić, s. r.**

### Ministarstvo za nauku, visoko obrazovanje i mlade Kantona Sarajevo

Na osnovu člana 66. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i člana 12. Uredbe o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz Budžeta Kantona Sarajevo ("Službene novine Kantona Sarajevo", broj 33/11, 3/12 - Ispravka, 37/13, 16/14, 6/17, 43/20, 20/21 i 28/21), ministrica za nauku, visoko obrazovanje i mlade Kantona Sarajevo donosi

#### PRAVILNIK

#### KOJIM SE UREĐUJE FORMIRANJE KOMISIJE ZA PROVOĐENJE JAVNOG POZIVA, ZA FINANSIRANJE/SUFINANSIRANJE PROJEKATA IZ OBLASTI MLADIH IZ BUDŽETA KANTONA SARAJEVO

##### Član 1.

(Predmet)

Ovim pravilnikom uređuje se formiranje Komisije za provođenje javnog poziva za finansiranje/sufinansiranje projekata iz oblasti mladih iz Budžeta Kantona Sarajevo sa pozicije Ministarstva za nauku, visoko obrazovanje i mlade Kantona Sarajevo (u daljem tekstu: Komisija).

##### Član 2.

(Objava javnog poziva)

- (1) Javni poziv za dodjelu sredstava namijenjenih za finansiranje/sufinansiranje projekata neprofitnih organizacija i udruženja iz oblasti mladih iz Budžeta Kantona Sarajevo sa pozicije Ministarstva za nauku, visoko obrazovanje i mlade Kantona Sarajevo (u daljem tekstu: Javni poziv) objavljuje Ministarstvo za nauku, visoko obrazovanje i mlade Kantona Sarajevo (u daljem tekstu: Ministarstvo) u jednom od dnevnih novina i na web stranici Ministarstva.
- (2) Javni poziv se objavljuje za svaku budžetsku godinu.

##### Član 3.

(Imenovanje Komisije)

- (1) Komisiju imenuje ministrica za nauku, visoko obrazovanje i mlade Kantona Sarajevo (u daljem tekstu: ministrica) i ista broji pet članova, i to:
  - a) dva člana iz reda uposlenih u Ministarstvu;
  - b) dva člana iz reda članova Komisije za mlade Skupštine Kantona Sarajevo koje predloži Komisija za mlade Skupštine Kantona Sarajevo;
  - c) jedan član kojeg predloži Vijeće mladih Kantona Sarajevo.
- (2) Predsjednik Komisije bira se iz reda zasposlenika Ministarstva.
- (3) Pored članova, imenuje se i sekretar Komisije koji će za potrebe rada Komisije obavljati administrativne poslove.

##### Član 4.

(Zadatak Komisije)

Komisija ima zadatak da:

- a) razmotri i pregleda pristigle prijave;

- b) utvrdi formalno-pravnu urednost pristiglih prijava (blagovremenost i potpunost prijava);
- c) ocijeni i rangira projekte u skladu sa Uredbom o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz Budžeta Kantona Sarajevo ("Službene novine Kantona Sarajevo", br. 33/11, 3/12 - Ispravka, 37/13, 16/14, 6/17, 43/20, 20/21 i 28/21), odnosno posebnim kriterijima za oblast mladih;
- d) sačini preliminarne rang liste neprofitnih organizacija i udruženja koji ispunjavaju uslove za dodjelu sredstava i čiji su projekti u skladu sa posebnim kriterijima pozitivno ocijenjeni;
- e) sačini izvještaj o radu;
- f) sačini prijedlog za dodjelu sredstava, sa naznačenim prijedlogom iznosa sredstava za svaku organizaciju i udruženje sa preliminarne rang liste.

##### Član 5.

(Rad Komisije)

- (1) Minimum za rad Komisije je prisustvo četiri člana Komisije.
- (2) Komisija vrednuje prijave pristigle na javni poziv na osnovu posebnih kriterija utvrđenih javnim pozivom, koristeći se skalom od 1 do 5.
- (3) Članovi Komisije dodjeljuju bodove za svaki od propisanih kriterija pojedinačno.
- (4) Konačna ocjena projekta predstavlja zbir pojedinačno dodijeljenih bodova od strane svih članova Komisije.
- (5) Izvještaj o radu, koji potpisuje predsjednik Komisije, dostavlja se ministrici, a u prilogu kojeg su svi zapisnici i materijali proistekli iz rada Komisije.
- (6) Komisija prestaje sa radom podnošenjem izvještaja iz stava (5) ovog člana.
- (7) Materijali koji proisteknu iz rada Komisije čuvaju se u arhivi Ministarstva.

##### Član 6.

(Utvrđivanje preliminarne i konačne rang liste)

- (1) Preliminarnu rang listu iz člana 4. stav (1) alineja d) ovog pravilnika objavljuje Komisija na web stranici Ministarstva najkasnije 60 dana od dana isteka roka za podnošenje prijave za dodjelu sredstava.
- (2) Na preliminarnu rang listu može se izjaviti pisani prigovor ministrici u roku od osam dana od dana objavljivanja iste.
- (3) Ministrica donosi konačnu odluku po prigovoru.
- (4) Po isteku roka za izjavljivanje prigovora na preliminarnu rang listu i donošenja odluke po prigovoru, Ministarstvo objavljuje konačnu rang listu dobitnika sredstava sa naznačenim iznosom dodijeljenih sredstava.

##### Član 7.

(Donošenje odluka o raspodjeli sredstava)

Na osnovu konačne rang liste, ministrica donosi odluku o raspodjeli sredstava po svakom pojedinačnom projektu, odnosno neprofitnoj organizaciji ili udruženju.

##### Član 8.

(Zaključivanje ugovora)

- (1) Nakon donošenja odluke iz člana 7. ovog pravilnika, ministrica će sa svakom neprofitnom organizacijom/udruženjem, kojem su dodijeljena sredstva, zaključiti poseban ugovor.
- (2) Ugovor iz stava (1) ovog člana obavezno sadrži:
  - a) uređenje međusobnih odnosa između ugovornih strana;
  - b) iznos dodijeljenih sredstava;

- c) način praćenja realizacije odobrenog projekta i način praćenja namjenskog troška dodijeljenih sredstava;
- d) elemente narativnog i finansijskog izvještaja o provođenju projekta koje je neprofitna organizacija/udruženje obavezno dostaviti Ministarstvu;
- e) rok za dostavljanje izvještaja od strane neprofitne organizacije/udruženja;
- f) druge elemente za koje Ministarstvo procijeni da su relevantni za zakonito i transparentno praćenje projekta i utroška dodijeljenih sredstava.

## Član 9.

(Naknada za rad Komisije)

- (1) Ministrica će posebnom odlukom utvrditi iznos naknade za rad članova Komisije.
- (2) Naknada za rad Komisije iz stava (1) ovog člana tereti poziciju Ministarstva.

## Član 10.

(Stupanje na snagu)

Ovaj pravilnik stupa na snagu sljedećeg dana od dana objavljivanja u "Službenim novinama Kantona Sarajevo".

Broj 27-04-02-30759-1/21  
1. septembra 2021. godine  
Sarajevo

Ministrica  
Prof. dr. **Melika Husić - Mehmedović**, s. r.

**GRAD SARAJEVO****Gradonačelnik**

Na osnovu člana 76. Statuta Grada Sarajeva ("Službene novine Kantona Sarajevo", broj 34/08 - Prečišćeni tekst), Gradonačelnica Grada Sarajeva donosi

**ZAKLJUČAK****O ISPRAVCI TEHNIČKE GREŠKE U ODLUCI O IMENOVANJU VRŠILACA DUŽNOSTI PREDSEDNIKA I ČLANOVA NADZORNOG ODBORA JAVNE USTANOVE "GRADSKI MUZEJI" SARAJEVO BROJ 01/04-04-4323/21 OD 19.07.2021. GODINE**

1. U Odluci 01/04-04-4323/21 od 19.07.2021. godine, u tački I, vrši se ispravka tehničke greške na način da umjesto riječi:  
"Za predsjednika i članove Upravnog odbora Javne ustanove "Gradski muzeji" Sarajevo"  
Trebalo da stoji:  
"Za predsjednika i članove Nadzornog odbora Javne ustanove "Gradski muzeji" Sarajevo"  
Sadržaj odluke u ostalom dijelu ostaje nepromijenjen.
2. Ovaj zaključak je sastavni dio Odluke o imenovanju vršilaca dužnosti predsjednika i članova Nadzornog odbora Javne ustanove "Gradski muzeji" Sarajevo broj 01/04-04-4323/21 od 19.07.2021. godine.
3. Ovaj zaključak proizvodi pravno dejstvo od dana od kojeg pravno dejstvo proizvodi Odluka broj 01/04-04-4323/21 od 19.07.2021. godine i isti stupa na snagu danom donošenja, a objavit će se u "Službenim novinama Kantona Sarajevo".

Broj 01/04-04-4323-1/21  
26. augusta 2021. godine  
Sarajevo

Gradonačelnica  
Doc. dr. **Benjamin Karić**, s. r.

**OPĆINA CENTAR****Općinski načelnik**

Na osnovu člana 69. Statuta Općine Centar Sarajevo, prečišćeni tekst ("Službene novine Kantona Sarajevo", broj

23/04) i člana 23. i 25. Odluke o izvršavanju Budžeta Općine Centar Sarajevo za 2021. godinu ("Službene novine Kantona Sarajevo", br. 10/21, 24/21), a u skladu sa Odlukom o utvrđivanju kriterija za korištenje sredstava tekuće rezerve (broj 10-49-2195/15 od 15.11.2015. godine), općinski načelnik donosi

**ZAKLJUČAK**

Raspoređuju se sredstva tekuće rezerve Budžeta Općine Centar Sarajevo za 2021. godinu u iznosu 7.020,00 KM na ekonomski kod 614230, funkciju 1040, fond 012, projekt TP4-9 - pomoć porodiljama za nabavku higijenskih paketa za porodilje sa područja općine Centar.

Zadužuje se Služba za finansije Općine Centar Sarajevo za finansijsku realizaciju ovog zaključka.

Zaključak o rasporedu tekuće rezerve stupa na snagu danom potpisivanja, a objavit će se u "Službenim novinama Kantona Sarajevo".

Broj 09/B-11-4477/21  
19. augusta 2021. godine  
Sarajevo

Općinski načelnik  
**Srdan Mandić**, s. r.

**OPĆINA ILIDŽA****Općinski načelnik**

Na osnovu člana 90. Statuta Općine Ilidža ("Službene novine Kantona Sarajevo", broj 33/10 - Prečišćeni tekst, i broj 18/16), u skladu sa članom 1. stav (2) Odluke o Registru podataka o javnim nabavkama koje provode institucije čiji je osnivač Kanton Sarajevo ("Službene novine Kantona Sarajevo", broj 6/21), u cilju realizacije Sporazuma o saradnji u aktivnost na prevenciji i borbi protiv korupcije između Općine Ilidža i Ureda za borbu protiv korupcije i upravljanje kvalitetom Kantona Sarajevo, od 22.04.2021. godine, općinski načelnik donosi

**ODLUKU****O PRISTUPANJU ODLUCI O REGISTRU PODATAKA O JAVNIM NABAVKAMA KOJE PROVODE INSTITUCIJE ČIJI JE OSNIVAČ KANTON SARAJEVO**

## Član 1.

(Predmet Odluke)

Ovom odlukom utvrđuje se pristupanje Općina Ilidža Odluci o Registru podataka o javnim nabavkama koje provode institucije čiji je osnivač Kanton Sarajevo, koja propisuje da je Registar podataka o javnim nabavkama koje provode institucije čiji je osnivač Kanton Sarajevo jedinstvena evidencija podataka o javnim nabavkama, koji se vodi u elektronskom obliku.

## Član 2.

(Ovlašćenje)

Općina Ilidža ovlašćuje Ured za borbu protiv korupcije i upravljanje kvalitetom Kantona Sarajevo, za vođenje i obradu podataka koji su predmet Odluke.

## Član 3.

(Provođenje odluke)

Općina Ilidža će neposredno unositi podatke o imenovanim u Registar podataka o javnim nabavkama koje provode institucije čiji je osnivač Kanton Sarajevo, putem Stručne službe za usklađenost, integritet, i kontrolu kvaliteta, odnosno putem imenovanih ovlaštenih osoba, koje će imati posebne korisničke šifre dodijeljene od strane Ureda za borbu protiv korupcije i upravljanje kvalitetom Kantona Sarajevo.